



BOSNA I HERCEGOVINA
 FEDERACIJA BOSNE I HERCEGOVINE
 TUZLANSKI KANTON
 OPĆINA DOBOJ ISTOK (www.dobojistok.org)
 Općinska izborna komisija, tel/fax:035/720-776; e-mail: oikdobojistok@outlook.com

Broj: 4/24
 Datum, 24.01.2024.god.

IZVJEŠTAJ O RADU OPĆINSKE IZBORNE KOMISIJE DOBOJ ISTOK ZA 2023.GODINU

I-VRŠENJE OVLAŠĆENJA OPĆINSKE IZBORNE KOMISIJE

Izbornim zakonom Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), odnosno odredbama člana 2.13. propisane su nadležnosti općinske izborne komisije koja, između ostalog, ima sljedeća ovlašćenja:

- osigurava da sve kandidatske liste za općinsko vijeće budu sastavljene u skladu sa Izbornim zakonom BiH i dostavlja ih na odobrenje Centralnoj izbornoj komisiji BiH;
- nadgleda i kontroliše rad Centra za birački spisak općine Doboj Istok;
- određuje biračka mjesta na području općine za glasanje na svim nivoima vlasti u BiH;
- imenuje i obučava članove biračkih odbora;
- brine o sigurnosti i dostavi biračkim odborima izbornog materijala za glasanje na svim nivoima izbora u BiH;
- obavještava birače o svim informacijama neophodnim za provedbu izbora, u skladu sa propisima Centralne izborne komisije BiH;
- odgovorna je za uređenje biračkog mjesta i druge tehničke pripreme za izbore;
- odgovorna je za pravilno brojanje glasačkih listića na biračkim mjestima;
- objedinjuje rezultate izbora sa svih biračkih mjesta u općini, posebno za svaki organ za koji je vršen izbor i dostavlja ih Centralnoj izbornoj komisiji BiH i
- obavlja i druge poslove u skladu sa zakonom i propisima Centralne izborne komisije BiH.

II-AKTIVNOSTI

Općinska izborna komisija Doboj Istok (u daljem tekstu: OIK-a) u 2023.god., obzirom da se nisu provodili redovni izbori, vršila je aktivnosti propisane Izbornim zakonom BiH i aktivnosti propisane instrukcijama, uputstvima, obavještenjima i podsjetnicima Centralne izborne komisije Bosne i Hercegovine.

U januaru 2023.god. OIK-a je izradila: Izvještaj o radu OIK-e za 2022.god. i Program rada OIK-e za 2023.god. OIK-a je u 2023.god. u potpunosti provela aktivnosti utvrđene Programom rada OIK-e za 2023.god.

Dana 05.02.2023.god. održani su Prijevemeni izbori za gradonačelnika grada Bihaća, Tuzle, Srebrenika, Zvorniku i načelnika općine Bratunac i Vogošća. Obzirom da je tokom Općih izbora 2022.god. u općini Doboj Istok bilo prijavljenih glasača koji imaju prebivalište u gradu Tuzla, Srebreniku i Zvorniku, a na dan izbora su se nalazili u ustanovi (HO „MFS Emmaus“, Prihvatni

centar Duje) koja se nalazi na području općine Doboj Istok, OIK-a je putem mobilnog tima omogućila da glasači koji su vezani za ustanove glasaju putem mobilnog tima za kandidate iz svoje osnovne izborne jedinice prema mjestu prebivališta. Obzirom da je 27 (dvadesetisedam) birača izjavilo da želi glasati putem mobilnog tima na prijevremeni izborima i to 20 glasača iz osnovne izborne jedinice Tuzla i 7 glasača iz osnovne izborne jedinice Srebrenik, to je OIK-a poduzela radnje u cilju ostvarivanja biračkog prava prijavljenih birača, formirala mobilni tim koji je na dan prijevremenih izbora 05.02.2023.god. omogućio ostvarivanje biračkog prava navedenim glasačima. Nakon završenog glasanja, OIK-a je blagovremeno CIK-i dostavili osjetljivi (koverte sa glasačkim listićima i dr.) i neosjetljivi izborni materijal.

Dana 28.05.2023.god. održani su Prijevremenim izbori za gradonačelnika grada Živinice, a po Odluci CIK-e o raspisivanju i održavanju prijevremenih izbora za gradonačelnika grada Živinice, broj: 05-1-07-1-398-1/23 od 29.03.2023.god. OIK-a je blagovremeno poduzela aktivnosti i radi provođenja ovih prijevremenih izbora. U skladu sa instrukcijama i uputstvima CIK-e, OIK-a je biračima iz osnovne izborne jedinice za grad Živinice, u kojima su se provodili prijevremeni izbori, a koji su za Opće izbore 2022.god. bili smješteni u ustanovu Udruženje "Humanitarna organizacija Međunarodni forum solidarnosti – Emmaus" Klokočnica, Doboj Istok i koji su se prijavili za glasanje na Općim izborima 2022.god. putem mobilnog tima, omogućila da se izjasne da li žele glasati putem mobilnog tima i na Prijevremenim izborima za gradonačelnika grada Živinice. Tom prilikom 6 (šest) birača je izjavilo da želi glasati putem mobilnog tima na Prijevremenim izborima za gradonačelnik grada Živinice. OIK-a je blagovremeno poduzela radnje u cilju ostvarivanja biračkog prava prijavljenih birača, formirala mobilni tim koji je na dan prijevremenih izbora 28.05.2023.god. omogućio osvarivanje biračkog prava navedenim glasačima, te nakon završenog glasanja, OIK-a je blagovremeno CIK-i dostavili osjetljivi i neosjetljivi izborni materijal.

OIK-a je u 2023.god. u skladu sa obavještenjima CIK-e BiH obavezno razmatrala sve propise koje joj je uputila Centralnoj izbornoj komisiji Bosne i Hercegovine (u daljem tekstu: CIK-i BiH), kako bi ispoštovala sve zadane rokove predviđene Izbornim zakonom Bosne i Hercegovine, te blagovremeno dostavljala CIK-i BiH tražene informacije i podatke sa kojima raspolaže OIK-a.

OIK-a je u 2023.god. održala dvanaest redovnih sjednica i pet sjednica po potrebi, te donijela odgovarajuće odluke.

OIK-a je u 2023.god. redovno ažurirala podatke za Centralni birački spisak i uspostavljala evidencije i arhivu OIK-e.

Članovi OIK-e su u period od 15. – 16.06.2023.god. učestvovali na konferenciji "Opći izbori 2022.god. – Izazovi i naučene lekcije" u organizaciji Centralne izborne komisije BiH u saradnji sa Vijećem Evrope i Misijom OSCE u BiH, koja konferencija se održala u Sarajevu u hotelu "Holiday".

Tokom 2023.god. OIK-a je redovno nadgledala i kontrolisala rad Centra za birački spisak općine Doboj Istok u skladu sa zakonom i propisima CIK-e BiH. Centar za birački spisak je u 2023.god. obavljao sve poslove utvrđene zakonom i podzakonskim aktima i u svom radu nije nailazio na poteškoće.

III-FINANSIRANJE

Općinsko vijeće Doboj Istok u 2023.god. usvojilo je Budžet općine Doboj Istok za 2023.god., u kojem su za potrebe OIK-e planirana i odobrena sredstva u iznos od 9.891,12 KM. U 2023.god. općina Doboj Istok za vršenje funkcija OIK-e isplatila je sredstva u iznosu od 9.081,33 KM.

Naknade članovima OIK-e za 2023.god. su planirana i isplaćivana u skladu sa odredbama Izbornog zakona BiH i Odluke CIK-e BiH o visini naknade za rad članova izborne komisije osnovne izborne jedinice u Bosni i Hercegovini, broj: 05-1-07-1-632-1/22 od 04.05.2022.godine u kojoj odluci je članom 1., stav 2. određeno da članovi izbornih komisija imaju pravo na mjesečnu naknadu za svoj rad u visini od 150,00 KM ako u toj izbornoj jedinici u izvodu iz Centralnog biračkog spiska upisano od 5.000 do 20.000 birača. U izbornoj jedinici 036 Doboj Istok upisano je oko 9.666 birača,

pa je članovima OIK-e isplaćivana mjesečna naknada u 2023.god. od po 150,00 KM mjesečno, obzirom da je bila neizborna godina. Obzirom da OIK-a nema imenovanog sekretara, u 2023.god. angažovano je lice za vršenje sekretarskih i računovodstveno-finansijskih poslova za potrebe OIK-e i istom isplaćivala naknadu u mjesečnom iznosu od 50,00 KM.

Obzirom da su se u 2023.god. provodili Prijevremeni izbori za gradonačelnika grada Bihaća, Tuzle, Srebrenika, Zvorniku i načelnika općine Bratunac i Vogošća, te Prijevremeni izbori za gradonačelnika grada Živinice, OIK-a je odredila jednokratnu naknadu za rad članove OIK-e u iznosu od po 150,00 KM, te naknadu za rad sekretara OIK-e u iznosu od 50,00 KM. Također, tokom prijevremenih izbora vršene su i isplate za rad članova mobilnih timova, koje naknade su određene i isplaćene u skladu sa Odlukom o visini naknade za rad biračkih odbora u BiH na provođenju Općih izbora 2022.god., CIK-e BIH, broj: 07-1-07-1-1351-1/22 od 04.08.2022.god.

Dostaviti:

1. Centralna izborna komisija BiH
2. Općinsko vijeće Doboj Istok
3. a/a

Predsjednik OIK-e,
Nermin Mrkanović



[Handwritten signature]